

ФРГ-д демократическ зөвүр зөрүлгдсн дарани цоклгън

БОНН. (ТАСС). ТАСС-н корреспондент Ю. Борисов иигдж зәнъглдж-әнә: сүүлин өдрмүдт Деед Германия йосдуд, ФРГ-д үлдсн демократическ организацсиг дарлгънур зөрүлсн джисәг улм чанъгъацхав. ДПА агентствин зәнъгллгъяр болхла, Люнебургд бәәх газрин заргъ. «Германское единение», «Рабочий кружок за германское взаимопонимание», «За справедливый мирный договор» болн «Движение за самоопределение и мир» гидг демократическ организацсиг «конституцин өмнәс зөрүлгдсн» организацс гидж зарлв. Эн организацсд член болгън, дакад тер мет терүг дөнънлгън—бас засгла харгъ-хмн.

ФРГ-н демократин сулдхврт дарани цоклгъ өглгън, эн ниицәс «бултнъгъу коммунистическ организацс» болджана гидж саак кевәрн келгддг үгәрн шалтгддж кегдджәнә. Заргъ эврәннъ хоосн үгән батлхин кергт, ямаранчн герч болн юм келдж чадсн уга. Цөөкн хөнг хооран, минъ эн шалтгар, бонна правительсв, Деед Германьд бәәдг, фашизм-ин зовлнъгла харгъсн улсин, олкүн цуглрсн «Нацизмин цагт көөврт йовсн әмтсин ниицән» гидг демократическ организацсиг уурулхиг федеральн административн заргъас некв.